

Simeath der Ammonitin / vnd Josabad der son Simrith der Moabitin. Aber seine Söne / vnd die summa die vnter jm versamlet war / vnd der baw des haus Gottes / sihe / die sind beschriben in der Historia im buch der Könige / Vnd sein son Amazja ward König an seine stat.

## XXV.

Amazja  
29. jar König in  
Juda.



Vnff vnd zwenzig jar alt war Amazja / da er König ward / vnd re- 4. Reg. 14  
giert neun vnd zwenzig jar zu Jerusalem / Seine mutter hies Joa  
dan von Jerusalem. Vnd er thet was dem HERRN wolge-  
fiel / doch nicht von ganzem hertzen. Da nu sein Königreich be-  
kresstiget war / erwürget er seine Knechte / die den König seinen  
vater geschlagen hatten. Aber ire kinder tödtet er nicht / Denn also stehets ge-  
schriben im Gesetz im buch Mose / da der HERR gebent / vnd spricht / Die Deut. 24.  
Veter sollen nicht sterben fur die Kinder / noch die Kinder fur die veter / Son- Ezech. 18.  
dern ein iglicher sol vmb seiner sünde willen sterben.

Vnd Amazja bracht zu hauffe Juda / vnd stellet sie nach der Veter heu-  
ser nach den Obersten vber tausent vnd vber hundert / vnter ganz Juda  
vnd Ben Jamin / vnd zelet sie von zwenzig jaren vnd drüber / vnd fand  
ir drey hundert tausent aufferlesen / die ins Heer ziehen mochten / vnd Spies vnd  
Schild führen kundten. Dazu nam er an aus Israel hundert tausent starcke  
Kriegsleute vmb hundert Centner silbers.

Man  
Gottes etc.

ES kam aber ein Man Gottes zu jm / vnd sprach / König / Las nicht das  
heer Israel mit dir komen / Denn der HERR ist nicht mit Israel / noch mit al-  
len kindern Ephraim. Denn so du komest / das du eine künheit beweifest im  
streit / wird Gott dich fallen lassen fur deinen Feinden / Denn bey Gott stehet  
die krafft zu helfen vnd fallen zu lassen. Amazja sprach zum man Gottes /  
Was sol man denn thun mit den hundert Centnern die ich den Kriegsknechten  
von Israel gegeben habe? Der man Gottes sprach / Der HERR hat noch  
mehr denn des ist / das er dir geben kan. Da sondert Amazja die Kriegsknechte  
abe / die zu jm aus Ephraim komen waren / das sie an iren ort hin giengen / Da  
ergrimmet ir zorn wider Juda seer / vnd zogen wider an iren ort mit grimmi-  
gem zorn.

Edomiter  
geschlagen.

Vnd Amazja ward getroffen / vnd füret sein volck aus / vnd zoch aus ins Saltz  
tal / vnd schlug der kinder von Seir zehen tausent. Vnd die kinder Juda  
fiengen ir zehen tausent lebendig / die füreten sie auff die spizen eines felses / vnd  
stürzten sie von der spizen des felses / das sie alle zuborsten. Aber die Kriegs-  
knechte / die Amazja hatte widerumb lassen ziehen / das sie nicht mit seinem  
volck zum streit zogen / theten sich inder in den stedten Juda / von Samaria an  
bis gen Bethhoron / vnd schlugen ir drey tausent / vnd namen viel Raubes.

Prophet zu  
Amazja gesand.

Vnd da Amazja wider kam von der Edomiter schlacht / bracht er die  
Götter der kinder von Seir / vnd stellet sie jm zu Götter / vnd betet an fur  
inen / vnd reucherte inen. Da ergrimmet der zorn des HERRN vber  
Amazja / vnd sandte einen Propheten zu jm / der sprach zu jm / Warumb suches-  
tu die Götter des volcks / die ir volck nicht kundten erretten von deiner hand?  
Vnd da er mit jm redet / sprach er zu jm / Hat man dich zu des Königs Rat ge-  
macht? Höre auff / Warumb wiltu geschlagen sein? Da höret der Prophet  
auff / vnd sprach / Ich mercke wol / das Gott sich beraten hat dich zu verders-  
ben / das du solchs gethan hast / vnd gehorchest meinem Rat nicht.

Joas.

Vnd Amazja der König Juda ward rats / vnd sandte hin zu Joas dem  
son Joahas / des sons Jehu dem Könige Israel / vnd lies jm sagen / Kom /  
las vns mit einander besehen. Aber Joas der König Israel sandte zu  
Amazja dem Könige Juda / vnd lies jm sagen / Der Dornstrauch im Libanon  
sandte zum Cedern im Libanon vnd lies jm sagen / Gib deine Tochter meinem  
Sohn zum